







實際理中。覓生佛去來生死三世之相。無一毫頭可得。纔說成佛。已是剎語。何得更有分淨分穢。捨此生彼之事。若於此處悟得。是自在閒人。即淫怒癡。皆是阿彌平等道場。如：不動。何乃舍却已佛。拜彼金銅。且謂悟與未悟。皆宜脩習。無事生事。吾所不曉。香光子聞而太息曰。若汝所言。只圖口角圓滑。不知一舉足將墜於火坑也。生死無常。轉盼即至。如何熟記宗門見成相。

似之語。以為究竟。都云我已成佛。不必念佛。若約理而言。世間一蚤一虱。皆具有如來清淨覺體。無二無別。乃至諸佛成等正覺。証大涅槃。本體未常增得一分。眾生墮三塗。趨生死海。本體未常減却一分。如：之體常自不動。生死涅槃等是妄見。亦無如來。亦無眾生。於此證入。亦無能証之人。亦無所証之法。泯絕心量。超越情有。大地無寸土。佛之一字。向何處安着。至於進脩

法門於無脩證中脩證於無等級中等級千差  
萬別雖位至等覺尚不知如來舉足下足之處  
從上祖師所以呵佛斥教一切沾遮者只因人  
心執滯教相隨語生解不悟言外之本體湯執  
語中之方便一向說心說性說空說幻說頓說  
漸說因說果千經萬論無不通曉及問渠本命  
元辰便將經論見成語言拒對除却見成語言  
依舊茫然無措所謂數他家寶已無分文其或

有真實脩行之人不見佛性辛苦行持如盲無  
導心獲人天之果不生如來之家於是祖師知  
其流弊遂用毒手剗其語言塞其解路拶其情  
識令其苦叅密究逆生滅流生滅情盡取捨念  
空始識得親生父母歷劫寶藏却來看經看教  
一一如道家中事然後如說進脩以佛知見淨  
治餘習拜空花之如來脩水月之梵行登陽燄  
之階級度谷響之衆生不取窳訛是謂佛種正

如杲日當空。行大王路。不同夜長趨走攀荆墮  
棘。豈謂一悟之後。即同極果。如供奉問。杲大虫。  
果上涅槃。天下善知識。証否。杲曰未証。奉曰何  
以未證。杲曰功未齊於諸聖。奉曰若尔何得名  
為善知識。杲曰明見佛性。亦得名為善知識也。  
弘辨禪師曰。頓明自性。與佛同儔。然有無始染  
習。故假對治。令順性起用。如人喫飯。不一口便  
飽。為山曰。初心從緣。頓悟自理。猶有無始曠劫

習氣。未能頓淨。須教渠淨除現業流識。即脩也。  
不可別有法。教渠脩行趣向。若論諸祖師為人  
之處。譬立萬仞大火聚中。觸之即爛。刀鎗林裏。  
動着便燒。未曾開口。已隔千里萬里。至機緣之  
外。平實商量。未常盡絕階級。盡遮脩行。傳燈錄  
中。分明詳悉。大慧中峯言。教尤為緊切。血誠勸  
勉。惟恐空解着人。墮落魔事。何曾言一悟之後。  
不假脩行。頓同兩足之尊。盡滿涅槃之果。後世

不識教意。不達祖機。乃取喝佛罵祖。破膽險句。以為行持。昔之人為經論所障。猶是雜食米麥。不能運化。後之人飽記禪宗語句。排回撥果。越分過頭。是日取大黃巴豆。以為茶飯也。自悞悞人。弊豈有極。是以纔入此門。便輕十方如來。莫不自云無佛可成。無行可脩。見人念佛。則曰自性。是佛。見人脩淨土。則曰即心是淨。言叅禪。則曰尊之九天之上。言念佛。則蹂之九地之下。全不

思叅禪念佛。揔之為了生死。同是出苦海之槁梁。越界有之寶筏。事同一家。何勝何劣。叅門之中。所悟亦有淺深。念佛之衆。所脩亦有高下。如何執定。叅者即是上根。念者便為中下。自遠磨西。來立此宗門。已云二百年後。明道者多。行道者少。說理者多。通理者少。今傳燈錄中。如麻似粟。同云八悟。其實迥別。至於般若緣深。靈根夙植。伽陵破卵。香象絕流。或見根宗於片言。或顯

威用於一喝。一聞于悟。得大揔持。或有懷出世之心。具丈夫之志。舍彼塵情。究此大事。不姑小解。惟求實知。卧薪嘗膽。飲冰吞檠。如此三十年。四十年後。或遇明師。痛與針劄。偷心死盡。心華始開。此後又須潛行密脩。銷融餘習。法見尚捨。何況非法。若趙州除粥飯。是雜用心。湧泉四十年。尚有走作。香林四十年。打成一片。統々業々。如護頭目。直至烟銷灰滅。自然一念不生。業不

能繫生死之際。隨意自在。詰其所證。恐亦未能超於上品上生之上。何以明之。龍樹菩薩。宗門之鼻祖也。得大智慧。具大辨才。住持佛法。故世尊數百年前。於楞伽會上。遙為授記。然亦不過曰。訖初歡喜地。往生安樂國而已。而觀經中。上品上生。生於彼間。一刹那頃。亦登初地。今宗門諸大祖師。縱使見離蓋纏。語出窩臼。豈能即過龍樹。龍樹已悟無生無相之義。已具不墮階級。

之見。而生於安養。與上品上生所証之果。正等。則禪門諸人所証。豈能獨過。良以上品上生。解第一義。還同禪門之悟。深信因果。還同禪門之脩。正是念佛往生別耳。然吾以為禪門悟脩之士。既不能取無餘涅槃。同於如來。又不肯取有餘涅槃。同於二乘。必入普賢行願之海。若不捨一身受一身。濟度衆生。則當從一剎至一剎。供養諸佛。既見諸佛。還同往生。究竟與上品上生

心在。鴈行伯仲之間。何以高視祖師。輕言淨侶。其或悟門已入。休歇太早。智不入微。道難勝習。一念不盡。即是生死之根。業風所牽。復入胞胎。如五祖戒出為東坡。青草堂再作魯公。隔陰之後。隨緣流轉。道有消而無長。業有加而無減。總般若緣深。不落三塗。而出房入房。亦太辛苦。還視中下往生之衆。已天地不足喻其否泰矣。况後世宗風日衰。人之根器亦日以劣。發心既多



不真。功夫又不純一。偶於佛祖機鋒。知識語言。或悟得本來成佛處。當下即是處。意識行不到。語言說不及處。一切不可得。即不可得。亦不可得。處。將古人語句和會。無不相似。既得此相似之解。即云馳求已歇。我是無事道人。識得煩惱如幻。則恣情以肆煩惱。識得脩行本空。輒任意以壞脩行。謂檀本空也。及舍檀而取慳。謂忍本空也。及聽隨而寘忍。言戒則曰本無持犯。何必

重持輕犯。言禪則曰本無定亂。何必舍亂取定。聽情順意。踏有譚空。既云法尚應捨。何為復取非法。既云真亦不求。胡為捨之求妄。既云脩觀習定。皆屬有為之迹。何獨貪名求利。偏合無為之道。愛憎毀譽之火。纔觸之而即高。生老病死之風。微吹之而已動。爭人爭我。說是說非。甚至以火性為氣魄。以我慢為承當。以譎詐為機用。以誑語為方便。以放恣為遊戲。以穢言為解粘。

讚歎破律無行之人。侮弄繩趨尺步之士。偏顯  
理路。故窮玄極妙。莫之踪跡。盡剗行門。故縱意  
任心。無復規矩。口言往生。是小乘法。令人脩習。  
已乃晏然。或至經年不拜一佛。經年不禮一懺。  
經年不轉一經。反看世間。不必有之書。行道人  
不宜行之事。使後生小子。專逞聰明。惟尋見解。  
纔有所知。即為一起。直入更復何事。輕狂傲慢。  
貢高恣睢。口無擇言。身無擇行。父既報讐。子遂

行劫。罵烏成馬。展轉差謬。不念世間情欲無涯。  
隄之尚溢。如何日以圓滑之語。大破因果之門。  
決其防藩。導以必流。自誤人。安免淪墜。若不  
為魔所攝。定當永陷三塗。刀山劍樹。報其前因。  
披毛戴角。酬還宿債。莫云我是悟達之人。業不  
能繫。夫謂業不能繫。非謂有而不有。正以無而  
自無。生既隨境即動。死安得不隨業受生。眼前  
一念嗔相。即是怪蟒之形。眼前一念貪相。即是

四念處  
一、念之微。識田持之。歷千萬劫。終不遺失。如一  
此丘。以智慧故。身有光明。以妄語故。口流蛆虫。  
一言之微。得此惡果。雖有智慧。終不能消。況今  
無明煩惱。熾然不斷。欲以相似。消其惡業。  
冀出三塗。無有是處。嚮使此等。不得少以為足。  
常如說。以脩行。終不自言。我悟了。即心是佛。豈  
可復。同中下念。佛求生。了達。生本無生。不妨熾

然。求生。即心是土。蓮邦不屬心外。不釋禮拜。不  
舍念誦。智力行力。雙較並進。方當踞上品之蓮  
臺。坐空中之寶閣。朝飯香積。夕遊滿月。回視胎  
生之品。不于寶地。不聞法語。不見法身。象馬雞  
羣。雞鳳非類。何況人天小果。甕中蚊虻者哉。而  
乃空腹高心。着空破有。率以偏執之妄解。櫻非  
常之果報。不與阿彌作子。却為閻羅之囚。不與  
淨衆為朋。却與阿旁為伍。棄寶林而行劔樹。舍

梵音而聽叫號。究其所受。尚不能與世間無知  
無見之人。行少善事。作少功德。生於人天者等。  
毫髮有差。天地懸隔。可不哀歎。然則宗門中人。  
上之未必能超於上品上生。而下之已墮三塗。  
故知此道險難。未易行遊。成則為佛。敗則為魔。  
王虜分於彈指。鄉烹別於絲毫。苦樂之分。宜早  
擇矣。況今代悟門一脈。不絕如綫。禪門之中。寂  
寥無人。心有二三。在家居士。路途端直。可以流

通此法。然既為居士。不同沙門釋子。猶有戒律  
縛身。方寘身大火之中。浸心煩惱之海。難於營  
幹。世事內。依稀得一入門。而道力甚淺。業力甚  
深。即粗糲莫如淫殺之業。猶不能折身不行。何  
況其細。生死之間。安能脫然。徒見豪華如于頔。  
奸惡如呂惠卿。夏竦。躁進如張天覺。風流艷冶  
如白樂天。蘇子瞻等。皆列於傳燈。便謂一切無  
礙。不知從上諸人。雖具正見。若謂其從此不受

分段業不能係。吾未敢許。方當長夜受報。未有了期。故知念佛一門。於居士尤為喫緊。業力雖重。仰借佛力。免於沉淪。如負債人。藏於王宮。不得抵償。既生佛土。生平所悟所解。皆不唐捐。生死催人。出息難保。早尋歸路。免致忙亂。縱使志在叅禪。不妨兼以念佛。世間作官作家。猶云不礙。况早晚禮拜念誦乎。且借念佛之警切。可以提醒叅禪之心。借叅門之洞徹。可以堅固淨土。

之信。適兩相資。最為穩實。如此不信。真同下愚。石頭居士。少志叅禪。根性猛利。十年之內。洞有所入。機鋒迅利。語言圓轉。尋常與人論及此事。下筆千言。不蹈祖師語句。直從骨髓流出。活潑生龍。無一死語。遂亦自謂了悟。無所事。雖世情減少。不入塵勞。然嘲風弄月。登山玩水。流連文酒之場。沉酣騷雅之業。懶慢踈狂。未免縱恣。如前之病。未能全脫。所幸生死心切。不被陷溺。

痛念見境生心。觸途成滯。浮解實情。未能相勝。悟不脩行。必墮魔境。佛魔之分。只在頃刻。始約其偏空之見。涉入普賢之海。又思行門端的。莫如念佛。而權引中下之疑。未之盡破。及後博觀經論。始知此門。原攝一乘。悟與未悟。皆宜脩習。於是採金口之所宣揚。菩薩之所闡明。諸大善知識之所發揮。附以己意。千波競起。萬派橫流。詰其滙歸。皆同一源。其論以不思議第一義為

宗。以悟為導。以十二時中。持佛名號。一心不亂。念。相續。為行持。以六度萬行。為助因。以深信因果。為入門。此論甫成。而同參發心持戒念佛者。遂得五人。共欲流通。以解宗教之惑。香光識劣根微。久為空見所醉。縱情肆志。有若狂象。去年沈湎之夜。親遊南子地獄。烈火洞然。見所熟譚。空破戒亡僧。形容尫羸。跛足而過。哭聲震地。殆不忍聞。及寤。身毛為豎。遂亦發心歸依淨土。

後讀此論。宿疑永釋。所以今日不憚苦口。病夫  
知醫。浪子憐客。汝宜盡剝舊日知見。虛心誦習。  
自當有入。生死事大。莫久遲疑。於是禪人悲淚  
交集。自云若不遇子。幾以空見賺過一生。子生  
我矣。懇求案集。作禮而去。時萬曆庚子仲春之  
廿有三日也。

癸卯秋月文昌里髮僧程衷素為

劉聖隣書以登梓

西方合論總目

分叙十門

第一剎土門 第二緣起門 第三部類門

第四教相門 第五理諦門 第六稱性門

第七往生門 第八見網門 第九脩持門

第十釋異門

卷之一

第一剎土門有十

一毘盧遮那淨土

二唯心淨土

三恒真淨土

四變現淨土

五寄報淨土

六分身淨土

七依他淨土

八諸方淨土

九一心四種土

十攝受十方一切有情不可思議淨土

卷之二

第二緣起門有十

一一夫事故

二宿因深故

三顯果德故

四依同性故

五順衆生故

六穢相空故

七勝方便故

八導二乘及

九堅忍力故

十示真法故

卷之三

第三部類門有四

一經中之經

二經中之緯

二緯中之經

四緯中之緯

卷之四



第四教相門有六

一純有教

二趨寂教

三有餘教

四無餘教

五頓悟教

六圓極教

卷之五

第五理諦門有四

一即相即心門

二即心即相門

三非心非相門

四離即離非門

卷之六

第六稱性門有五

一信心行

二心觀行

三六度行

四悲願行

五稱法行

卷之七

第七往生門有六

一菩薩生人中者

二菩薩生兜率天者

三菩薩生長壽天者

四菩薩生三界外者

五菩薩初發心時生如來家者

西方合論  
目錄  
六菩薩三祇行滿生十方世界利益一切衆生者  
卷之八

第八見網門有十

一斷滅墮 二怯劣墮 三隨語墮

四狂恣墮 五支離墮 六痴空墮

七隨緣墮 八唯心墮 九頓悟墮

十圓實墮

卷之九

第九脩持門有十

一淨悟門 二淨信門 三淨觀門

四淨念門 五淨懺門 六淨願門

七淨戒門 八淨處門 九淨侶門

十不定淨門

卷之十

第十釋異門有十

一刹土遠近釋 二才城大小釋

三壽量多少釋  
四花輪大小釋  
五日月有無釋  
六二乘有無釋  
七婦女有無釋  
八發心大小釋  
九疑城胎生釋  
十五送往生釋

目錄

西方合論卷一

荷葉庵石頭居士袁宏道述

北京慈慧寺沙門真貴

冷雲居士袁宗道

上生居士袁中道

皖浮渡山始光居士吳用先

石洋居士王祿

無淨居士黃輝興校

夫滯相迷心。有為過出。著空破有。莽蕩福生。達  
磨為救執相之者。說罪福之空虛。永明為破狂  
慧之徒。言萬善之總是滅火者水。水過即有沉  
溺之災。生物者日。日盛翻為枯焦之本。如來教  
法亦復如是。五葉以來。單傳斯盛。迨於今日。狂  
濫遂極。謬引惟心。同無為之外道。祝言皆是。趨  
五欲之魔城。不思阿難未得盡通。頭陀擯斥。摩  
達微牽結使。尊者呵譏。蟬翅薄習。寶所斯遙。丘

山叢垢。淨樂何從。至若楞伽傳自達磨。悟脩並  
重。清規創始百丈。乘戒兼行。未聞一乘綱宗。呵  
叱淨戒。五燈嫡子。貪戀世緣。昔有道士。夜行為  
鬼所著。宛轉塚間。有田父見之。扶掖入舍。湯沃  
乃甦。道士臨別。謂田夫曰。羈客無以贈主人。有  
辟鬼符二張。願以為謝。聞者笑之。今之學者。貪  
嗔邪見。熾然如火。而欲為人解縛。何其惑也。余  
十年學道。墮此狂病。後日觸機。薄有省發。遂簡

塵勞。飯心淨土。禮誦之暇。取龍樹天台長者永  
明等論。細心披讀。忽爾疑豁。既深信淨土。復悟  
諸天菩薩差別之行。如貧兒得伏藏中金。喜不  
自釋。會愚菴和尚與平倩居士。謀余裒集西方  
諸論。余乃述古德要語。附以己見。勒成一書。命  
曰西方合論。始於己亥十月二十三日。成於十  
二月二十二日。既寘檢閱。多所脫漏。唯欲方便  
初心。尚期就正有道。畧稽往哲。分叙十門。

第一刹土門

第二緣起門

第三部類門

第四教相門

第五理諦門

第六稱性門

第七往生門

第八見網門

第九脩持門

第十釋異門

西方合論卷之一

第一刹土門

夫一真法界。身土交參。十佛刹海。淨穢無別。祇  
因衆生行業有殊。諸佛化現亦異。或權或實。或

偏或圓。或暫或常。或漸或頓。一月千江。波々俱  
涵淨月。萬燈一室。光々各顯全燈。理即一諦。相  
有千差。若非廣引靈文。衆生何所取則。爰約諸  
教。略叙十門。

一 毘盧遮那淨土

二 惟心淨土

三 恒真淨土

四 變現淨土

五 寄報淨土

六 分身淨土

七 依他淨土

八 諸方淨土

九 一心四種淨土

十 攝受十方一切有情不可思議淨土

一 毘盧遮那淨土者。即諸佛本報國土。十蓮華  
藏世界海。一一蓮華藏。下世界。各有十佛世  
界。微塵數廣大刹。清淨莊嚴。一廣大刹。復有十  
佛世界。微塵數諸小刹。圍遶。倍々增廣。一一華  
藏世界。皆滿虛空。互相徹入。淨穢。捨舍。重々無  
盡。如法而論。一草一木。一毛一塵。各々皆具此

無盡法界。佛及衆生無二無別。或曰。此是衆生  
實報莊嚴。不同權教。推淨土於他方。是為實教。  
或曰。衆生雖具此實報。爭奈真如無性。不能自  
證。湯之長夜。無見日期。波之劫海。無到岸期。雖  
云地獄起妙覺之心。佛果現泥犁之界。其如眼  
前鐵床銅柱。何哉。辟之餓鬼。渴死於海邊。負之  
數錢於金埵。祇見其虛。何名為實。若非假之方  
便。由權入實。衆生豈有證毘盧之日也。答曰。若

約諸佛化儀。則可實相土中無此戲論。夫毘盧  
遮那。此云遍一切處。遍一切處。即無量壽表義。  
豈有勝劣。祇曰如來為一分取相。凡夫故。說有  
阿彌陀在於西方。亦如大雲經中。阿彌陀佛告  
一菩薩言。有釋迦在於娑婆世界也。夫當釋迦  
為主。則釋迦遍一切。而阿彌陀為所徧之一處。  
當阿彌為主。則阿彌徧一切。而釋迦牟尼為所  
徧之一處。如一人之身。當自自時。不妨為一切

人之他。當他之時。不妨為一切人之自。以是義故。自他不成。自它不成。即自亦徧一切處。它亦徧一切處。豈定有它方可執。是故西方毘盧。非自他故。何以故。毘盧無不徧故。若言權言方便。即有不徧。有不徧者。毘盧之義不成。

二惟心淨土者。直下自證。當體無心。即是淨土。如維摩經云。寶積當知。真心是菩薩淨土。菩薩成佛時。不諂。衆生來生其國。深心是菩薩淨土。

菩薩成佛時。具足功德。衆生來生其國。大乘心是菩薩淨土。菩薩成佛時。大乘衆生來生其國。經文繁多。不能廣引。大約謂欲得淨土。當淨其心。隨其心淨。則佛土淨。夫心是即土之心。土是即心之土。心淨土淨。法爾如故。此語豈非西方註脚。多有執心之士。界此法門。以為單接鈍根。由於心外見土故也。夫念即是心。念佛豈非心淨。心本會土。蓮邦豈在心外。故知約相非乖。惟



心。執心實礙普度矣。

三。恒真淨土者。即靈山會上所指淨土。引三乘中權教菩薩。令知此土即穢恒淨。諸衆信而未見。夫穢性本寂。俗相恒空。本寂故菩薩居穢恒寂。恒空故菩薩入俗常空。正顯淨義。但以衆生執海難清。識繩易縛。言業本空。則恣情作業。言行無體。即肆意冥行。犯永嘉之所呵。墮善星之所墜。以至生遭五難。死為魔眷者。往々而是。嗟。

夫。使盡大地皆菩薩。則斯言誠為利益。天下之菩薩少。而凡夫多。則斯言之利天下也少。而害天下多矣。

四。變現淨土者。如法華經三變淨土。移諸人天置於他方。維摩經世尊以足指按地。即時三千大千世界。若百千金寶嚴飾。此是如來暫令顯現。亦是法爾然。智如鶩子。尚且如盲。劣根衆生。無緣復見。且人天置諸方外。全無接引之緣。神。

力暫現。還無。詎是恒常之土。豈若安養淨邦。塵  
劫常住。阿彌慈父。十惡不遺者哉。國土勝劣。居  
然可知。

五寄報淨土者。如摩醯首羅天。如來於彼成等  
正覺。此為實報淨土。起信論云。菩薩功德成滿。  
於色究竟處。示一切世間最高大身。謂以一念  
相應慧。無明頓盡。名一切種智。自然有不思議  
業。能現十方利益衆生。藏和尚云。何故受用報

身在此天者。以寄報十王顯別十地。第十地寄  
當此天王。即於彼身示成菩提。然彼天雖云無  
漏。未若蓮邦直出三界。何以故。在色究竟故。  
六分身淨土者。如涅槃經。佛答高貴德王云。善  
男子。西方去此娑婆世界。度三十二恒河沙佛  
土。有世界名曰無勝。猶如西方極樂世界。我於  
彼土出現於世。為化衆生故。於此世界現轉法  
輪。又央崛經。佛謂央崛曰。我住無生際。而汝不

覺知。央崛云。若住無生際。何以生於此土。佛云。東方有佛。汝往問之。央崛往問。彼佛答言。釋迦者。即是我身。大意謂彼淨土。是佛實報。此是分身。雖彰一佛之報境。未具攝化之義。佛分上即有。衆生分上即無。未為殊勝。

七依他淨土者。如梵網經云。我今盧舍那。方坐蓮華臺。周遍千花上。復現千釋迦。一花百億國。一國一釋迦等者。以初地化百佛刹。則有百葉

之花。二地化千佛刹。故花有千葉。若至三地。應見萬葉。四地億葉。次第倍增。為是依他受用身。分示報境。八地乃見。非如蓮池會上。十念衆生。頓見淨佛國土故。

八諸方淨土者。如東方藥師佛。南方日月燈佛。上方香積佛。各有淨土。諸經所述。不可具載。皆是諸佛實報莊嚴。經中或有以佛神力。暫令顯現。或諸大菩薩。詣彼供養。緣彼佛未言攝

生。故諸衆生亦無緣生彼。即如妙喜世界。釋迦  
雖記有往生者。未聞無動有普引之言。且其國  
有鐵圍須弥諸山。及鬼神婦女。當知嚴淨不如  
安養也。又如藥師如來。以十二大願度諸有情。  
經中亦言有信心者。應當來生。稽彼願力。多是  
解脫一切憂苦。究竟安樂。未若阿彌如來。純以  
念佛攝一切人往生彼土。  
九一心四種淨土者。一曰凡聖同居土。二曰方

便有餘土。三曰實報無障礙土。四曰常寂光土。  
一凡聖同居土者。自分二類。初同居穢土。次同  
居淨土。穢土之中。凡居聖居各二。凡居二者。一  
惡衆生。即四趣也。二善衆生。即人天也。聖居二  
者。一實聖。即四果。辟支。通教。六地。別。十住。圓。十  
信。後心。通惑。雖盡。報身猶在。皆名實也。二權聖。  
謂方便實報。寂光土中法身菩薩。及妙覺佛。為  
利有緣。應生同居。皆是權也。是等與四趣共住。

故名穢土。次同居淨土者。如極樂中有衆生。妙喜國中有鐵圍男女之類。以無四惡趣。故名淨土。余按同居穢土之中。既有諸聖。亦可名同居淨土。如娑婆世界。在華嚴世界第十三重。亦云華嚴也。二方便有餘土者。二乘三種菩薩。破見思惑。證方便道。塵沙別惑。無明未斷。捨分段身。而生界外。名曰有餘。故釋論云。出三界外有淨土。聲聞辟支佛出生其中。受法性身。非分段也。

三實報無障礙土者。無有二乘。純諸法身菩薩所居。盡塵沙惑。分破無明。得真實果。而無明未盡。潤無漏業。受法性報身。亦名果報國。故仁王經云。三賢十聖住果報。以觀實相。發真無漏。感報殊勝。七寶莊嚴。具淨妙五塵。故名為實。包心不二。毛剎相容。故名無障礙。華嚴明因陀羅網世界是也。四常寂光土者。妙覺極智所照。如如法界。名之為國。亦名法性土。但一真如佛性。非

身非土。而說身土。離身無土。離土無身。諸佛如  
來所遊居處。鈔宗曰。經論中言寂光無相。乃是  
已盡染礙之相。非如大虛空無一物。良由三惑  
究竟清淨。則依正色心。究竟明顯。大經曰。因滅  
是色。獲得常色。受想行識。亦復如是。仁王稱為  
法性五蘊。是為極果。然十方刹土。随心異見。七  
寶砂礫。當處差別。故雲川曰。極樂國土。四土不  
同。何則。約人天二乘。即前二種土。約菩薩佛。即  
後二種土。故知六十萬億那由它恒河沙由旬  
等身。不妨更有丈六之身。華嚴海會無邊佛土。  
不妨更有尼連河土。何以故。是法爾故。非是神  
力變現故。

十攝受十方一切有情不可思議淨土者。即阿  
彌陀佛西方淨土。其中所有大功德海。大悲智  
海。大願力海。善具說者。假使盡十方世界諸佛  
菩薩。聲聞辟支。天人鬼畜。下至蛸飛蠕動。及一

切無情。草木瓦礫。鄰虛微塵之類。一具無量  
口。口中一具無量舌。舌中一具無量音聲。  
常說。倍說。熾然說。無間說。經百億萬塵沙阿僧  
祇劫。亦不能盡。今且畧釋。一身土不思議義。二  
性相不思議義。三因果不思議義。四往來不思  
議義。五畢竟不可思議不思議義。一身土不思  
議義者。阿彌身中有無量衆生。衆生身中有無  
量阿彌。國土亦然。是故一衆生念阿彌。一阿彌

見。衆衆生念阿彌。衆阿彌見。衆生念阿彌。即  
念阿彌見。若衆生身中無阿彌者。阿彌不見。  
如陽燧身中不能得水。非本有故。阿彌身中無  
衆生者。阿彌亦不見。如石女求生兒。必不可得  
故。非應得故。是故身中會身。身中會身。身中  
會土。土中會土。土身土交會。重。無盡。是身土  
不可思議義。二性相不可思議義者。若離性言  
土。即性外。是幻化故。幻化者。即斷滅相。衆生

不生。若即性言土。性是有形。是一定故。一定者即無變易。無變易。衆生亦不生。即性即相。非性非相。存非亡。存即壞。是性相不思議義。三。因果不思議義者。有二義。一曰先果後義。如念佛是回。見佛是果。見佛是回。成佛是果。成佛是回。度衆生是果。二曰果無前後義。即念即見。即成即度。一時具足。如人三十至四十歲。三十是回。四十是果。然三十四十無間斷相。若無四十。

三十不立。無三十者。四十不成。是故當知非離三十至四十故。若離三十至四十者。中間即有分限相。而我此身無分限故。若由三十至四十者。中間即有相續相。而我此身乃至相續不可得故。念佛回亦復如是。是因果不思議義。四。去來不思議義者。若阿彌陀佛回念而來。此衆生回憶佛而生彼。即有去來。有去來。即有程途。有程途。即有險易。如人近京師。則覲君易。遠則



西方合論 卷一  
難。果尔念佛求生。應有難易。而阿彌僥僥道途。亦無說法之日矣。故般舟三昧經曰。不於是間終。生彼間佛刹。佛無所從來。我亦無所至。古德云。生則決定生。去則實不去。如天鼓鳴。遠近齊聞。非去來故。如水中月。東行則東。西行則西。非去來故。是去來不思議義。五畢竟不可思議。不思議義者。如澄潭水影。如春暘百草。如衆生業力。如日月光相。如胎中根。如身中我。如齒堅舌

柔。如眉橫髮長。是畢竟不可思議。不思議義。所以十方諸佛。吐心吐膽。亦只道得箇希有難信而已。雖有徧覆三千大千舌相。誰能分疏其萬一哉。孔子曰。夫婦之愚。可以與知。及其至也。聖人不知。至哉言也。無量法門。一以貫之矣。

西方合論卷二

第二緣起門

夫樂鮑肆者。不念檀旃。非實不念。以不知故。乍使引之。晤室。契旃。炙沉。不終日而悲其昔之穢。歎離之不早也。夫生死臭穢。愈於鮑肆。衆生貪嗜。倍彼蠅蚋。諸佛為鬻香長者。見一輩人天。沒溺濁海。能不測然。是故阿彌導師。廣開香嚴之肆。釋迦慈父。確指淨域之門。盡大地無非負兒。

一佛彌便為資本。欲驗誠言。莫離十念。塞鼻羶腥。久當自厭。今約西方起教。略分十義。

一一大事故

二宿因深故

三顯果德故

四依因性故

五順衆生故

六穢相空故

七勝方便故

八導二乘故

九堅忍力故

十示真法故

一一大事者。衆生處五濁世。如囚處獄。但以罪

之輕重。受等不等罰。或干小法。或投極網。臯雖不同。至於縲紲之苦。笞杖之罰。未有一人得免者。何也。以入獄者皆罪人。處人天者。皆是業報分段之身故也。然罪人一入獄。未有時刻不求出離者。則以知獄之煎苦。難忍難堪。棘牆之外。更有許大安樂世界故也。今衆生以煩惱為家。以生死為園觀。繫心衣冠之囚。長適情金玉之桁楊。豈知大鐵圍山。是我棘牆。三界法場之外。

各々自有家鄉田地也。諸佛憫此。酸心痛骨。是故為分別淨穢。指以脫歸路程。而歲久拋業之人。了無歸處。諸佛又大建宅舍以安之。一則往來獄門為治道途。一則長伺獄外脩飾旅館。如是之息。何身可報。嗟夫。燭三界之長夜。揭億生之覆盆。諸佛既不惜垂手。衆生何獨苦戀々也。經曰。如來為一大事出現於世。大事者。即此事也。衆生種々及戀此毛頭許事。以小易大。甘心

瘦死。何哉。

二宿曰深者有三。一者正曰。二者正願。三者正行。一正曰者。即是三世諸佛與諸有情。自清淨體。如萬象依空。山川依地。穀依種子。花果依仁。若無此曰。佛果不成。何以故。一切悲智。純依此曰。而得建立。故長者合論曰。如來藏身。即法身也。諸福智海。莫不居中。故稱為藏。若不見法身。一切福智。大慈大悲。悉皆不辦。總屬生滅。法身

者。即正回是。二正願者。如本經。法藏比丘。于自在王如來所發四十八大願。一願不成。不取菩提。此是依自性無量悲智。發如是不可思議願力。非是心外。况有衆生。發願欲度。以衆生非心外故。三正行者。如本經言。發是願已。如是安住。種々功德。脩習如是菩薩行。經於無量無數億那由它百千劫內。又如一向出生菩薩經。阿彌陀佛昔為太子。聞此微妙法門。奉持精進。七千

歲中。脅不至席。不念愛欲財寶。不問他事。常獨處心。意不傾動。復教化八千億萬那由它人。得不退轉。此是自性行持。自性精進。非是有作有為功德。雖應億劫。不離一念。以微妙法門。離一切行。一切劫故。是謂正回。正行。正願。如伊三點。缺一不成。非是作得。非不作得。故先德云。根深果茂。源遠流長。宿因既深。教起亦大。誠然乎哉。三顯果德者。如華嚴經普賢行願品云。諸佛如

來。因於衆生。而起大悲。因於大悲。生菩提心。因  
菩提心。成等正覺。譬如曠野砂磧之中。有大樹  
王。若根得水。枝葉花果。悉皆繁茂。生死曠野善  
提樹王。亦復如是。一切衆生。而為樹根。諸佛善  
薩。而為花果。以大悲水。饒益衆生。則能成就諸  
佛善薩智慧華果。是故當知一切諸佛。取佛果  
者。依於衆生。若無衆生。佛果不成。譬如漢祖。以  
救民故而。有百戰。以百戰故。登大寶位。登寶位

故。百姓樂業。若無百姓。即無如上等事。究而論  
之。凡行一德。一事。一利。一名者。若無衆生。皆悉  
不成。是故我無衆生。即不成我。衆生是依。我即  
是正。衆生是正。我即是依。人我平等。依正無礙。  
是法爾故。法尔者。即自然果德故。若向外建立。  
即不成果義。

四。依因性者。一切衆生。皆有如是淨性。譬一精  
金。治為釵釧。及溺器。等。金性是一。溺器者。是器

具穢。非金穢故。若加銷冶。為種。玩好等物。金亦不易。生佛亦然。同一淨性。但以釵釧溺器。而有差別。非是性異。是故博地凡夫。十念即生者。以奉淨故。阿彌陀佛欲攝受。是衆生即攝受者。以衆生本淨故。如鏡中之光。不從磨得。生淨土者。非是行願。及與念力。所能成就。何以故。念行如鑪錘等。但能銷金。無別有金生故。五順衆生者。謂樂見。童子。當以餅果。樂婦女者。必

用綺羅。一切衆生。所重。惟寶玉衣食。是故有自然七寶。及與樓閣。妙器衣服。飲食等事。辟諸火宅。諸見。非羊鹿等車。決不肯出。出已。純與大車。今釋迦如來。順衆生情見。說阿彌陀七寶淨土。祇為衆生見境如是。合如是說。衆生。已各各自見。細妙淨相。無可比喻。方知琉璃。瑠璃。瑪瑙。猶如瓦礫。如達官貴人。向田舍兒說。王宮精麗。姑就彼人。所極珍異者。為以。向非情量所及。如

對生盲說色亦無所用其方比矣

六穢相空者。如智論曰。譬如人有一子。喜在不淨中戲。聚土為穀。以草木為鳥獸。而生愛著。人有奪者。嗔恚啼哭。其父知已。思惟此子。今雖愛著。此事易離。小大自任。何以故。此物非真故。菩薩亦如是。觀衆生愛著不淨臭身。及種種五欲。若信等五根成就時。即能捨離。若小兒所著實是真物。雖復年至百歲。著之轉深。若衆生所著

物實有者。雖得五根。亦不能捨。以諸法皆空。誑不實故。得捨離。如來為衆生說淨土亦爾。以衆生所著非實。即易為訓化故。如人少時悅色。壯歲營官。老年嗜利。若是實可好者。不應年變。月易。以變易故。說淨土時。亦悅亦營亦嗜。如夢中人喚之。即醒。若夢實者。雖喚無益。以俱非實。是故諸佛為一切衆生。說如是法門。七勝方便者。為此方便。非是自力。亦非它力。緣



自性海中。具有如是自在功德。一切現成。是故  
一句聖號。無復煩詞。十念功成。頓超多劫。如萬  
竅怒號。力在扶搖。因竅顯故。如幽谷洞明。功在  
晨曦。因谷見故。如一綫之蟻孔。能穿連山之堤。  
是水之力。非蟻力故。又如一葉之葦席。能運萬  
斛之舟。是風之力。非葦力故。拯之皆。是法界性  
海。無作無為。不思議力所現。非自非它。一切具  
足。故有如是殊勝方便。是謂捷中之捷。徑中之

徑。舍此不脩。是真愚痴。

一導二乘者。二乘避境趨寂。證假涅槃。不得如  
來法身。受業惑苦。一者無明住地。不得至見煩  
惱垢濁。習氣臭穢。究竟滅盡。淨波羅蜜果。二者  
因無明住地。有虛妄行。未除滅故。不得至見無  
作無行。我波羅蜜果。三者因微細虛妄。起無漏  
業。意生諸陰。未除盡故。不得至見極滅。遠離樂  
波羅蜜果。四者變易生死。斷續流滅。不得至見

極無變易。常波羅蜜果。以是四種業惑。未證真理。如來憫之。教令回斷滅心。脩淨土行。令知即空不斷。即有不常。乘大乘智。入涅槃海。九堅忍力者。龍樹菩薩曰。童子過四歲以上。未滿二十。名為鳩摩羅迦地。若菩薩初生菩薩家者。如嬰兒得無生法忍。乃至十住地。離諸惡事。名為鳩摩羅伽地。欲得如是地。當學般若波羅蜜。常欲不離諸佛。問曰。菩薩當化衆生。何故常

欲不離諸佛。答曰。有菩薩未入菩薩位。未得阿鞞跋致。受記剎故。若遠離諸佛。便壞諸善根。沒在煩惱。自不能度。安得度人。如人乘船。中流壞敗。欲度它人。反自沒水。又如少湯投大水池。雖消少處。反更成冰。菩薩未入法位。若遠離諸佛。以少功德。無方便力。欲化衆生。雖少益利。反更墜落。以是故。新學菩薩。不應遠離諸佛。問曰。若爾者。何以不說不離聲聞辟支佛。聲聞辟支佛

亦能利益菩薩。答曰。菩薩大心。聲聞辟支佛。雖有涅槃利益。無一切智。故不能教導菩薩。諸佛一切種智。故能教導菩薩。如象沒泥。非象不能出。菩薩亦如是。若入非道中。唯佛能救。同大道故。故說菩薩常欲不離諸佛。復次菩薩作是念。我未得佛眼。故如盲無異。若不為佛所引導。則無所趣。錯入餘道。設聞佛法異處行者。未知教化時節。行法多少。復次菩薩見佛。得種種利益。

或眼見心清淨。若聞所說。心則樂法。得大智慧。隨法脩行。而得解脫。如是等值佛無量。益利豈不一心常欲見佛。譬如嬰兒不應離母。又如行道不離糧食。如火熱時不離涼風冷水。如大寒時不欲離火。如渡深水不應離船。譬如病人不離良醫。菩薩不離諸佛過於上事。何以故。父母親屬。知識人。天王等。皆不能如佛益利。佛益利。諸菩薩離諸苦處。住世尊之地。以是因緣故。菩薩

常不離佛。問曰。有為之法。欺誑不真。皆不可信。云何得如願不離諸佛。答曰。福德智慧具足故。乃應得佛。何況不離諸佛。衆生有無量劫罪。因緣故。不得如願。雖行福德。而智慧薄少。雖行智慧。而福德薄少。故所願不成。菩薩求佛道故。要行二忍。生忍。法忍。行生忍故。一切衆生中。散惹悲心。滅無量劫罪。得無量福德。行法忍故。破諸法無明。得無量智慧。二行合和故。何願不得。以

是故。菩薩世世常不離諸佛。復次。菩薩常愛樂念佛。故捨身受身。常得值佛。譬如衆生習欲心重。受婬身。所謂孔雀鴛鴦等。習瞋恚。偏多。生毒。虫中。所謂惡龍。羅刹。蜈蚣。毒蛇等。是菩薩心不貴轉輪聖王。人天福樂。但念諸佛。是故。隨心所重。而受身形。復次。菩薩常善脩念佛三昧。因緣故。所生常值諸佛。天如。或問曰。禪宗悟達之士。既曰見性成佛。焉肯復求淨土。答曰。悟達之

士。改願求生。汝但未悟。使汝既悟。淨土之趨。萬  
牛莫挽。問曰。學者但患大事不明。大事既明。當  
行佛教。隨類化身。入泥入水。不避生死。廣度生  
靈。何故求生淨土。厭苦趨樂。答曰。汝將謂一悟  
之後。習漏永除。便得不退轉耶。將謂一悟之後  
更無徧學佛法。脩行正果等事耶。將謂一悟之  
後。便可上齊諸佛。入生死不受障緣之所撓耶。  
審如是。則諸大菩薩。脩六度萬行。動經恒河沙  
劫。教誨者。是皆媿汝。古教有云。聲聞尚有出胎之  
時。菩薩亦有隔陰之昏。况近時薄解淺悟。自救  
不了者。縱有悟處深遠。見地高明。行解相應。志  
在度人者。奈何未登不退。力用未充。居此濁惡  
化。此剛強。此亦先聖之所未許。如以未完不固  
之舟。濟多人於惡海。自他俱溺。其理必然。故往  
生論云。欲遊戲地獄門者。必生彼土。得無生法  
忍已。還入生死。救苦衆生。以此因緣。求生淨土。

又先聖有云。未得不退轉位。不可混俗度生。未得無生法忍。要須常不離佛。譬如嬰兒常不離母。又如弱羽只可傳枝。今此國中。釋迦已滅。弥勒未生。四惡趣苦。因果牽纏。外道邪魔。是非扇亂。美色淫聲之相惑。惡緣穢觸之交侵。既無現佛可依。又被境緣所撓。初心悟達之人。豈有不遭其退敗者。所以世尊殷勤指歸極樂。良有以也。蓋彼弥陀現在說法。樂土境緣。種々清淨。倘

依彼佛。忍力易成。高證佛階。親蒙授記。然後出化衆生。去來無礙。多見今之禪者。不究如來之了義。不知達磨之玄機。空腹高心。習為狂妄。見脩淨土。則笑之曰。彼學愚夫愚婦之所為。余嘗論其非鄙。愚夫愚婦。乃鄙文殊。普賢。龍樹。馬鳴等也。非特自迷正道。自失善根。自喪慧身。自亡佛種。且成謗法之業。又招鄙聖之殃。佛祖視為可哀憐者。於是永明和尚。深憐痛哀。剖出心肝。

主張淨土。既以自脩。又以化世。故其臨終。有種種殊勝相現。舍利鱗砌。徑生極樂上品。乃至闍羅。以為希有。圖像禮敬。夫永明既悟。達磨直指之禪。又能致身於極樂上品。以此解禪者之執情。以此為末法之勸信。是真大有功於宗教者。豈特永明為然。如死心新禪師。作勸脩淨土之文。又如真歇了禪師。作淨土說。有云。洞下一宗。沿務密脩。其故何哉。良以念佛法門。徑路脩行。

正按大藏。接上上根器。傍引中下之機。又云。宗門大匠。已悟不空有法。秉志教於淨業者。以淨業見佛。簡易於宗門故。又云。乃佛乃祖。在教在禪。皆脩淨業。同歸一源。入得此門。無量法門。悉法能入。至如天衣懷禪師。圓照本禪師。慈受深禪師。南岳思禪師。法照禪師。淨靄禪師。淨慈大通禪師。天台懷玉禪師。梁道珍禪師。唐道綽禪師。毘陵法真禪師。姑蘓守納禪師。北磻蘭禪

師。天目禮禪師等。諸大老皆是禪門宗匠。究其  
密脩顯化。發揚淨土之旨。則不約而同。廣如彼  
文。不能盡錄。是故當知禪宗密脩。不離淨土。初  
心頓悟。未出童真。入此門者。方為堅固不退之門。  
十示真法者。一切脩行法門。言空即斷。言有即  
嘗。未為究竟。唯此念佛三昧。即念而淨。非是  
無。即淨而念。非是有。達淨無依。即是念體了  
念本離。即是淨用。是故非淨外有念。能念於心。

若淨外有念。念即有所。非淨故。非念外有淨。  
能入諸念。若念外有淨。即有二。二非淨故。當  
知諸佛順寂滅心而嚴淨土。是故念淨土者。當  
入一切寂滅門。諸佛順常樂我淨心而嚴淨土。  
是故念淨土者。當入一切常樂我淨門。諸佛順  
平等衆生心而嚴淨土。是故念淨土者。當入一  
切平等衆生門。諸佛順大悲智業而嚴淨土。是  
故念淨土者。當入一切大悲智業門。諸佛順無



西方合論 卷之二  
作無為不可思議業而嚴淨土。是故念淨土者。  
當入一切無作無為不可思議門。諸佛順塵勞  
煩惱性而嚴淨土。是故念淨土者。當入一切塵  
勞煩惱門。諸佛順微塵芥子相而嚴淨土。是故  
念淨土者。當入一切微塵芥子門。以上諸大法  
門。但一聲阿彌陀佛。皆悉證入。亦無能證所證  
之相。若不爾者。則是有餘之淨。念佛三昧即不  
如是。

七

